

正陽縣志表乃寬署

中華民國二十五年五月出版

重修正陽縣志

陳銘閣題

重修正陽縣志序

正陽爲吾豫名邑。在淮汝之間。詩云。遵彼汝墳。伐其條枚。旣見君子。我心則夷。是其地焉。余於前清光緒甲辰年。赴汝寧府童考。曾往返過其邑城。詢悉附郭有昔賢黃叔度故里。見其民俗渾厚。儼然有三代遺風。心低徊不欲遽去。便載邑產名酒一瓶。歸飲賓客。交稱佳釀。乙巳春。到省垣。考入簡易師範學堂。適與黎君勳卿同齋舍。是爲交識正陽人士之始。民國壬子春。由新蔡閻銘初君介紹。謁袁紹明先生於彰德軍次。談革命成功後。建設大業。頗有契合處。厥後政潮起伏。賴先生庇護之力。得免於禍。辛酉仲秋。應杭州人士約。奉師命。赴杭講學。得識陳守謙。胡恭安兩君。於砲兵營。

重修正陽縣志

卷首 序

北平大成印書社印

屢食宿營部。談道論德。不倦旋。兩君介紹。是邑知名人士。徐君聞欽。胡君峻甫。陳君海瀾。咸君麟齋。趙君紹宣等。先後入道德學社。同師事段師尊。一堂共學。交誼自異尋常。歲癸酉。聞欽學長以所督修之邑志見示。並請其邑宰劉炳華君。函聘爲總纂。自維淺陋。愧不敢當。而紹明先生。與守謙學長。復加責之。感於情誼。遂欣然參與體例之研討。詞旨之裁酌。其實全志內容。皆編纂諸君。及聞欽學長。全副精神所會萃而成。旣付梓。因佩正陽士紳之熱心公益。並隨喜聞欽館長之興起一邑文獻。爲大有功也。因序其文字緣之所由結。云爾。

民國二十五年歲次丙子仲春古弦陳全三序於故都道德學社

重修正陽縣志序

志記也。邑之有志，猶國之有史也。古列國記事，記言後世踵而行之，體裁雖異，而編摩考據，證類核真，欲其信今而傳後，則未始有異也。吾正陽土厚水深，風淳俗儉，承學之士，類皆先德行而後文藝。自三代秦漢以來，先賢名儒傑人，畸士孝子，悌弟貞女，節婦載在邑乘者，斑斑可考。顧邑志失修已久，其間陵谷之遷移，時事之沿革，每不無今昔之殊。况夫潛德幽光，足以維持世風，增輝史冊者，又不可勝道。及今弗志，何以昭示來茲。後雖有著作長材，勤心蒐討，而年湮代遠，徵信無從，更何所據以成信史耶。余夙懷斯志，曩於光緒癸卯，丁母憂歸里，曾邀集邑紳，計議重修。會被項城袁公檄召治軍，忽遽就道，事遂中輟。民國改建，時會艱虞，袁公秉政，畀以軍糈，重寄夙夜在公，無暇及此。歲壬戌，余既解任農商部，稍有餘閒，乃命長子家驥承余初志，再議重修。復以人事之變遷，干戈之擾攘，籌畫頻年，又歸停頓，幾經波折。至庚午夏，始由邑紳公舉涂君聞欽，出長志局，總司其事。聘吳少章、鄒子翔、潘益三、呂漁村、蕭屏亞諸君，分任編纂，相與探

重修正陽縣志

卷首 序

北平大成印書社印

訪舊聞，摩挲碑碣，歷時三載，乃克成書。癸酉四月，聞欽親携全稿，暨邑宰聘書，遙蒞故都，專聘陳堯初先生為總纂，並就商於余。及陳君守謙、趙君紹宣、李君義原諸同鄉，共歡迎堯初先生，即時任事。遂相與秉筆裁核，修飾潤色，凡一易寒暑，而歲事將付剗。闕邑人屬余為序。余取其書而卒讀之，舉凡疆域、人物、風土、禮俗，以及選舉、建置、食貨、秩官、諸大端，凡為舊志所未及者，無不博稽詳考，載列無遺。蓋自舊志失修以來，吾邑百餘年之歷史文物，至是乃燦然大備，不惟備裕徵文考獻之資，且可供問俗採風之助。懿與休哉。余既喜夫夙志獲償，尤願有志之士，勿狃積習，勿炫時名，相勉為有體有用之學，以延吾邑先哲之墜緒於勿替，且以增志乘之光，是則余區區期望之深心也夫。

民國二十五年四月 邑人 袁 乃 寬 序

重修正陽縣志序

吾正陽縣志自清嘉慶重修後，迄今百有餘歲矣。歷時既久，遷變已多。况中經鼎革，體制復更，故實近聞，其有待繼舊志以留示方來者，正復何限。雖在清季民初之交，邑中

先達亦嘗有續修之議。顧皆以時事不順。未能實行。民國壬戌。袁紳紹明。倡議興修。設志局於黃公祠。公推楊紳子貞長其事。乃甫行草創。適城陷。楊紳遇害。事遂寢。越二年。袁公子俊伯。又邀葉紳友三任主編。商同劉紳錫爵。鮑紳紀堂。諸紳耆。籌款設局。中以縣局弗靖。廢於半途。迨民國十八年。士紳商請縣長。聘魏紳春源。任館長。兼膺總纂。旋阻撓於經費問題。莫由盡其展布。次年庚午。以越辛未。兩經官紳舉聘。徐紳聞欽。繼長館務。總纂一職。仍由魏紳春源遙領之。時膺通志館長其編纂採訪各職。仍由原聘各紳。分別擔任。初稿未就。而魏總纂病逝。癸酉之夏。志稿粗具。縣政會議。專聘光山陳堯初先生。繼任總纂。惟是時。堯初公方講學北平。而我縣又匪氛甚熾。難以寧處。遂公推徐紳聞欽。挈志稿北來。就正堯初公道席。相與商確參訂。積年累月。而全稿告成。今且付梓矣。是役也。起訖經二十餘年。集同志數十人。成書共十卷。始事之初。覃思體例。擬議進程。則葉紳友三。魏紳春源。相繼造其端。中更事變。竭力維持。俾有始卒。則陳紳虞薰。委曲運其機。及其後也。徵文考獻。清釐本末。綜合羣策羣力。勞瘁不辭。以期衷於至當。則徐

重修正陽縣志

卷首 序

三

北平大成印書館印

紳聞欽。肩其難而竟其事。至若不棄僻陋。嘉予潤色。俾區區邑乘。得託文采。以垂見於世。斯則堯初先生之雅惠。尤爲我邑人士。所感荷難忘者也。銘閣比年以來。世務牽率。對此名山事業。愧未能稍盡棉薄。然樂與有成之心。則又未嘗敢落人後。故於劖劂。既竟之餘。特爲述其緣起。及前後經歷如此。不惟用識欣佩。亦冀後之來者。知諸公今日護持文獻之功。爲不可沒云。

中華民國二十五年夏六月邑人陳銘閣敬序

重修正陽縣志序

民族之文化。作自先聖。而述於後賢。孔子刪訂贊著。本先民國史之記載。用集我華族文化之大成。此所以爲萬世師也。縣之有志。卽國史之縮影。志缺久不修。司文化之後學。不負其責。責將誰歸。則學識庸庸。忝領我正教育有年矣。視事伊始。值志局再興。再蹶之餘。其與是役者。或觚未操。而城陷長隕。或稿甫編。而兵燹流離。百餘年待舉之文獻。幾摧殘於暴雨狂風。而莫敢再問。則以業務所在。良心主張。不敢放棄維持文

化之天職。曾於民國己巳。商同劉縣長宗琨。敦聘魏君春源。組局開辦。不數月。遭魔停廢。人幾疑縣志不復能修矣。則遷不畏怯。庚午春。又同紳學全體。商請劉縣長月泉。敦聘涂君聞欽。任館長主編。乃辦理未幾。又遇事變。停辦近一年。志運與抑縣運與。何劫之重耶。辛未歲。事平。縣政恢復。各機關同人。對於志役。再接再厲。公同周縣長飲真。復聘促館長涂君。招集編纂。採訪各職員。重整旗鼓。奮厲進行。越二年之慘淡經營。全稿於是乎就緒。其中雖館穀多艱。糧謀煮字。個人誤會。風送流言。而負責諸同人。終不以口體之困難。影響之猜嫌。少墮撰述工作。致負官民公意之付託。癸酉夏。以陳總纂堯初公。不暇蒞縣。又公推涂館長。携稿赴平。就正纂定。且便付印。復以印費濡滯。遲遲三年。今幸陳君守謙。慨捐義囊。袁君紹明。趙君紹宣。多方贊助。付印成書。我正陽歷來掌故。始得有具體之表現。信乎文化之繼述發皇。若是其難也。則謬膺協纂。愧少補益。竊幸維持文化之初心克償也。用應同人之囑。而述其實。

中華民國二十五年五月己巳人陳則舜謹序

重修正陽縣志

卷首序

四

北平大成印書社印

重修正陽縣志序

正陽襟淮帶汝。位汝南中心。事蹟民物。多可記載。志乘洵不可缺也。嘉慶舊志。尙餘殘版。惟在古。爲慎。爲沈。前無詳考。以演混愼。豕亥多嫌。其他待補正者猶多。且失修百有餘歲。文殘獻謝。實大堪虞。重以國體變更。事多懸殊。及今不修。久益難徵。邑人士之汲汲擬修。不亦宜乎。民國壬戌秋。袁紳紹明。倡議重修。甫經著手。阻亂旋停。維時佩薰濫竽財務。附理善後。收拾燼餘。無着遺款。商同劉君錫爵。袁君俊伯。暨紳耆各界人士。存作修志經費。越年甲子。志稿編就大半。又遭暴亂。飄零殆盡。迨己巳庚午。迭經教育局長陳君虞薰。商得官民同意。舊事重提。均阻事變。旋起旋止。未得結果。今者新志全稿。業經陳總纂堯初公。筆削纂定。排印成書矣。志館長涂君聞欽。函商運書。分配辦法。並囑爲序。初聞而喜。一迴思。而不禁慨然也。溯此次興修。爲時將七年。庚午阨於兵匪。停頓十閱月。辛未阨於匪共霖雨。障礙採訪者五六月。壬申。則一撓誤於災荒流亡。再橫梗於疫厲天札。自春徂秋。幾無寧日。尤有難者。疏水維艱。枯毫無力。甚有一二已見。隱

隱波折。而任事各同人。竟能堅忍沈毅。徵文考獻。克觀厥成。俾正陽千百年之潛德幽光。統舊志所已載漏載者。同耀新彩於簡冊。先難後獲。不其然乎。旅平袁陳趙阮劉李諸公。日睹當事人誠勉苦勞。力竟此役。咸相與助力捐貲。成此一篋。爲吾邑光。當亦父老兄弟所共樂許也。獨是此志自癸酉脫稿。祇以印費空籌。幸延數年。佩薰忝司財務。無能爲力。此心殊抱不安。所幸此中隱曲。堪爲邑人共諒爾。

中華民國 丙子年 五月 邑人 鮑佩薰 序

重修正陽縣志序

史乘之興。蓋以備得失之林。而裕考鏡之資。故採詩錄十五國風。而得民俗盛衰之象。刪書存虞夏商周。而知政治升降之由。古帝王堂階不下。風化自彌綸宇宙。夫豈無據而能然哉。正邑背汝面淮。風土人情。自有其特殊可紀之優點。况睢麟雅化。渥被汝墳。則文謨武烈之漸摩。必猶有悠久而成善良習慣者存焉。祇以明初遺黎寥落。縣廢一百三十四年。此時併入汝南志。無專書。缺略不備之事蹟。不知凡幾。迨正德乙亥。學博

重修正陽縣志

卷首 序

五

北平大成印書社印

張恕。始草創縣志。嘉靖壬寅。乙卯。一再續修。清順治。康熙。又續修二次。其書皆不可見。第觀現存之嘉慶志。係根據康熙志。而重修者。尙不少挂漏疑誤之點。其前此者。可想而知。誠以時際閉塞。書籍少。交通滯。又限於專制束縛。欲舉伊古來之陳蹟故實。方百里之風土民物。暢行搜攬。於稽其詳。蓋亦難矣。近世風氣大開。文明煥發。參考之著作繁興。郵電輪軌之往復。亦甚靈捷。於此而欲考古證今。爲較詳之記載。固稍易於前代也。是以我正斯志。於沈摯。慎。江。各國之故址。安城。白狗。臨淮。建安。等。古城之遺蹟。莫不溯厥由來。爲建置上形勢之比較。於大禹排決之淮汝。酈道元水經注之上下慎陂。唐元和之龍陂。宋治平之青陂。及清白。慎。閩。各河流湖港。莫不詳其利害。爲疏濬整理之導源於祖己。太任。慎子。孟宗。周氏等。各民族。莫不述其里墓歷史。爲邑人觀感之芳型。他如土質物產之宜。習俗風尚之性。水陸津梁之要。學校文化之趨。清嘉道後政治之設施。盛衰治亂之樞機。及一切舊志所遺。或譌誤者。均莫不撮記要領。綱舉目張。臨是編者。考其旨趣。鑑其得失。因時制宜。官可資以布化。而漸臻上理。民可資以立業。而樂享

太平。則斯志豈非輻軒所樂採。邑人士所欣賞者歟。吾友涂君聞欽。不憚困難。委曲負重。和我同人。力完此稿。又備經艱苦。携就總纂陳堯初君於北平。業筆削成書矣。將付梓。而問序於余。余嘉其能相與有成也。故不揣臆昧而述之。

中華民國二十五年歲次丙子四月邑人呂兆璜撰

書重修正陽縣志後

中華民國丙子夏。校印正陽縣志。工既竣。同事同鄉諸君子。責以爲序。昭翔實。夫修志之大端情形。前席諸公各序。已言之昭昭。無須多贅。惟揆諸茲志運會之所繫。義務之所寄。工作之成始成終。與其中之實在所得力。諸序未之盡詳。濟又不應竟無一言也。憶自庚午奉聘。自問棉薄。初不敢冒昧參與。迴溯舊志失修。百三十餘年。文獻早慮難徵。況民國乙卯壬戌甲子己巳各年。議修志者四。濟均蒙官紳不棄。曾經與聞。茲又以志役見責。意或義務之不容已者乎。遂兢兢焉勉膺厥命。乃開辦無幾。縣局倏變。濟於是時。卽知難而退矣。再閱月。同人函稱。袁師長同縣長。提倡修志。囑速招集進行。濟當

重修正陽縣志

書後

六

北平大成印書館

以病難任事辭。實行退避賢路。而志局竟擱淺歷十月。終未改組。時各機關辛未春縣局恢復。官紳各界。又本功令公意。一再催促。濟於是欲終藏拙於義有所不能。乃重集同人。積極辦理。而此心則戒慎恐懼。時虞隕越。爲吾道羞。幸邀官府倡督之功。縣內外同仁協助之力。各同事悉心結撰之勞。兩閱春秋。編稿粗就。歲癸酉夏。濟又奉縣政會議使命。携稿來舊都。聘陳堯初學長爲總纂。相與稟承師訓。陪侍丹鉛。全稿遂得觀成。是役也。非陳君虞薰之始終主持。隨時贊襄。則茲志無動力。非鮑君紀堂。趙君竺輿。張君杏村。史君體元。諸同仁之調劑維護。則茲志無援力。非陳君堯初之中和純正。秉筆公允。則茲志無定力。非袁君宗宣之搜集殘稿。則茲志無補力。非呂君漁村之艱苦與共。蒐討舊聞。則茲志無實力。非袁君紹明。趙君紹宣之委曲玉成。陳君守謙之後盾堅強。仗義捐印。則茲志無毅力。若茲志之完全主力。大力。則爲劉主席經扶公。迭令督催。並蒞縣。嚴令籌印。爲效尤多。是皆有大造於正陽文獻。深堪欽崇而感佩者也。尤有難忘情者。修志歷屆同人。若楊君子貞。袁君俊伯。郭君子謙。阮君述岑。胡君子淮。鮑君際

川。魏君春源。理卿。卓君子貞。吳君少章。傅君楷堂。丕勳。王君遠大。協堂。江君紫垣。彭君鶴亭。劉君雲峯。李君子元。涂君子良。育博。葉君駿藩。幼庭。張君憶銘。梅君錫九。陳君體仁。袁君錦堂。李君子光。濟濟羣公。曾勞勞於訪編諸工作。未及見新志成書。竟先後溘然長逝。濟也。譚陋而迂。忝附載筆諸君子後。於茲志無甚補益。竊倖始終其事。了此一段文字。因緣。迴思往事。曷禁黯黯。蓋至是。益不勝慄慄然懼。泫泫然淚矣。所幸中經重重艱窘。困頓越六七年。確視爲應有過程。祇再三自反。藉減夙戾。初未嘗稍萌歧念。自外斯文。是則濟與同人。差堪自信者也。後有著作名賢。尙望匡我不逮。彌缺糾正。不激不隨。無違先聖懼以終始之義。非獨正陽之福。實世道之大幸。况世運循環。道有主宰。吾邑安圻舊志。成於康熙丙子。世運昇平百餘年。今茲志亦遲至民國丙子而始成。或亦世道之轉機。未可知也。惟吾邑人國人。同修德以致之。俟其禕爾。

中華民國二十五年六月二十四日邑人涂幹濟書於舊都中和堂書齋

重修正陽縣志凡例

一 茲志興修。起於縣政府遵奉省令。聘任館長。設館組織。原稱志局。民國二十年。省令改局稱館。紳學界會議公決。設館長一人。總纂一人。編纂五人。校正一人。文書主任一人。採訪十六人。庶務一人。書記二人。酌加。事繁時。分任負責。名譽協纂二人。隨時襄助館務。茲志體例。及撰述主旨。均遵照省頒各縣市修志條例。並參酌內政部頒修志概要。徵據地方事實。辦理之。但志之爲義。旨在啟人善機。俾志于善。故志善不志惡。與國史褒貶並重。不同。其有事關大局。不能爲諱者。亦遵不爲已甚之意。閱者諒之。

一 正陽縣志。自明歷清計修六次。此時搜集舊編。採作依據。不惟明正德時。張恕之創著。嘉靖時。焦濟何麟之續撰。湮沒無存。卽清順治劉必壽。康熙安圻。二志亦香不可得。幸嘉慶丙辰彭良弼重修志板。經印刷吏收藏。無大缺殘。尙可據作底本。茲志所稱舊志。卽指此書。

重修正陽縣志

卷首 凡例

北平大成印書館印

一 修志一事。職在稱先。非博涉典籍。無以資考鏡。而審體制。正邑舊鮮藏書。匪燄殘餘。斯文益墜。借觀末山。新購財細。不得已。而謀及遠方。首由徐君顯庭。鄧君仰素。由汝南借來汝寧府志。汝上。遂確信羅新各縣志。一經核稽。本縣事跡。得各志互證。而益明。旋而郵送名志三部來。曰上江合志。曰常昭合志。曰餘姚縣志。則陳君守謙。寄自首都也。詳加披覽。擷其精華。茲志之起例選材。遂得標準。史君又青。及郭宅。又資以大清會典。龍門史記。通鑑輯覽。等書。於是乎古事近例。均有所考查。茲志之得備大體。勉底於成者。多仗邑同仁之熱誠惠助云。

一 縣志於民國十一。十三。十八。十九。四年中。曾開局興修。均規定上接嘉慶志續修。二十年開辦伊始。仍依原議續修。嗣因查舊志疆域沿革各門。證諸事實。並參考汝寧府志。及史地等書。始知縣屬主要事蹟人物等類。多須補錄。又參考上江等名志。知體例門類。亦應審正。於是遂改續修爲重修。舊志所有優點。完全照錄。缺者補之。訛者正之。其原板原書。仍保存備考。

一 茲志原議續修。歲時起自嘉慶元年。截至民國二十年止。嗣既改爲重修。其歲時則上溯唐虞。下訖民國二十一年年底截止。惟電話、匪、賑三項。關係重要。權爲少延。餘概不贅。

一 正陽地圖。舊無精製。茲延聘測繪專家蕭君屏亞。原擬實地測繪。力圖精確。嗣以水災匪患。經濟拮据。未能實踐。只得於縣總圖及各區分圖。參酌自治保甲各圖。依樣描摹。四大鎮圖。則由蕭君親往各鎮。觀察大勢。繪之。故距離方位。間未準確。亦勢所難免。

一 正陽縣爲古慎國。創建莫稽。其發現。一見於史記。周成王既定淮徐東葬。息慎來賀。王命榮伯作賄。息慎之命。（按今息縣。爲古息國。正陽爲古慎國。疆土緊相連貫。位於淮徐上游。其於定淮後。來賀內附。情勢適合。或誤疑息慎爲肅慎。是不知淮西有此息慎二國。而臆猜也。）一見於左傳。魯哀公十六年。吳人伐慎。舊志第謂在周爲沈國地。殆因仍舊說。係就縣東北傍汝一帶。概言之。而未見及此。茲特

重修正陽縣志

卷首 凡例

二

北平大成印書館印

尋流溯源。詳於疆域沿革。

一 正陽舊爲慎國。係指縣城近部即西而言。現在疆域。東北部。實屬沈國地。南部實屬江國地。茲志參據古籍。一一詳載。

一 正陽本係平原。無多名山勝水。但山川。以流峙之形勢得名。初無大小之限度。凡岡巖陵阜之類。山者。皆應附諸山。港堰溝陂之類。川者。皆應附諸川。茲志於縣境之山頭鋪。黃山鋪。西巖店。及一切地。以岡名者。均志於山脈項下。於上下慎陂範圍內之港堰溝陂。有關農田水利者。均志於河流項下。湖沼池塘。關係農田蓄洩。尤爲密切。均附志之。限於探訪不及。恕不完備。以昭實在。聊補舊志之遺。

一 建置一門。舊志僅列公署、兵防、倉廩、郵政、恤政五項。而於城池、學校、壇廟之建置。則各另立一門。茲志於城關、公署、保店、學校、兵防、壇廟、倉廩。及新政之黨部、實業、財政。一切公共建築事項。統載建置項下。並因時代關係。並志各鄉鎮寨堡。補充營防之類。以清體例分際。

一 實業係民生第一要點。正陽尤一大好農場。茲志於縣境土性產物。及多產。或特優品類。不避俚瑣。覩縷詳言。其商工漁牧等業。亦撮記概要。貢獻返本務實之途徑。區區微意。識者諒有同情。

一 正陽教育。在明嘉隆時。有陳昌言。楊靜之輩。文采譽望。見重於時。賢七子之林。清乾嘉後。人文蔚起。輝映汝南。凡齋業書香。鳴盛一時者。其家塾教育。儒學書院各教育。必有良好法規。始能裁成多士。舊志學校一門。祇載學署。文廟。書院。建築工程。及學田數目。茲復於師資教澤。課程優點。暨典禮。鄉儀。宗教。習俗。之種種有關教育者。概爲表彰。並特採各名志例。首列學宮之聖賢名位。歷代祀典。學官之教導。書院義學之薰陶。次列新教育之局所。學校。圖書館。講演所等。或列表。或敘說。據實詳載。以昭文化之演進。啟來學之思潮。

一 政治爲一切事務之中心。縣政雖本諸國制功令。而地方風土民情不同。其施政亦因之而異。正陽舊志。僅列官師姓名。暨宦績若干人。茲志於行政用人之利弊。

重修正陽縣志

卷首 凡例

三

北平大成印書社印

時代沿革之樞紐。一爲提敘。俾知嘉慶迄今。百三十餘年。縣境風化之衰。變亂之多。且修。未始非影響於政治。民國來。提高紳權。以自治補官治之不足。亦宜類載。用特仿各名志。設政治一門。舉縣有之民政。軍政。司法。警政。及新政之自治設施。統列此志。據事直書。以爵職紀。職官表。政績傳。自治各表。附焉。

一 正陽交通。舊志僅舉郵政一項。列諸建置。茲因現代交通宏開。凡縣境之郵。電。津渡。橋梁。道路。汽車道。輕便鐵道。及水運之竹簾帆船。均關重要。故專設一門。一一詳載。

一 選舉一門。舊志缺失進士一頁。貢生亦有遺漏。茲據採訪所得。應補者補之。餘則仍付闕如。迨清季廢科舉。興學堂。人材出身。以專門大學畢業爲資格。茲則酌定高中以上畢業爲限。但現代不拘籍貫。留學各省。暨國外者。頗多。各採訪限於時事多艱。耳目難周。間有挂漏。統祈原諒。

一 正陽人物。舊志以汪汪千頃之黃叔度冠首。次以戴氏三賢。補遺卷。又增以周氏

羣賢似已足爲吾邑光矣。茲志按地域。溯前賢。於汝旁得忠商之祖已。祖伊。與周之文母太任。三人生於摯。爲今邑之東北境。固皆邑人也。觀慎子將軍墓。知慎爲其祖籍。中雖遷魯。遷趙。自聞孟子教。卽離開魯趙等。伐齊國。還居祖籍。慎終而葬焉。其誰曰非邑人。古新陽。今久隸我版圖。呂臣生於斯。見通孟宗葬於斯。而家於斯。見晉史孟嘉傳嘉外孫陶潛撰今孟氏之聚族淮上。羅營孟坡陡者猶多。孟嘉釣臺。隔淮相望。史稱孟宗孟嘉爲鄆山。今羅人。孟之居舊殆屬鄆乎。其地固逼近鄆。而距慎較遠也。總之。新陽既屬正。廬墓於新者。卽爲正人。昔邑名士吳章民詩亦云。孟宗孝子是同鄉。蓋有所本矣。茲據一致補錄。見吾邑之大人。在其近代人物。以卒于修志截止期前者爲限。據述行誼。不標忠孝等門類。列女節孝。仍依舊例年限。記之。不拘沒存。

一 縣屬財務。最關國計民生。正陽舊志。於收入。僅載田賦。雜稅。倉穀等寥寥數項。於支出。若書辦。差役。祀典。營繕。廩膳。郵驛。監獄。兵勇。種種重要開支。成例若何。均未

重修正陽縣志

卷首 凡例

四

北平大成印書社印

記載。重以城陷多次。檔案全失。無從稽考。又况新政多端。用途紛繁。雖有公款財政局員之設。中經法制迭變。禍亂頻仍。歷屆簿記。多半散遺。其善後客軍等之臨時攤派供億。更難搜羅真象。於此而欲爲詳備之財志。實不可能。茲祇依據舊志所載。暨維新後一切正雜收支。事實俱在。紳耆共知。確鑿可證者。據實直書。逐項用文字叙明。均不列表。便民衆一覽瞭然。

一 邑中特殊事迹。若興廢大故。若兵匪變亂。若旱澇災荒。若國家蠲振。慈善救濟。若物類奇怪祥異。與各門性質不符。碍難並列。而又不得不載者。上江歷城各名志。均另設大事記一門。兼收備書。茲志援例。設此一門。彙志以上諸端。惟國邑興廢。已見於地理志疆域沿革項下。政治志爵職紀項下者。茲不再贅。避免重複之誦。一 正陽藝文。舊志僅載有明以來。關於邑事邑人序記詩文。茲依各名志成例。凡經史古籍中篇章。爲邑人邑事而作者。暨邑人所著書目。一致記載。近世表彰芳型勝蹟之詩文。暨較有價值之金石題泐。亦盡量採錄。以備將來舊志藝文。一並錄

存。

一 此次修志。奉河南通志館頒發修志條例。內開關於黨務黨員優點。曾經中央示明。可隨事隨人。盡量表彰。不必另立一門等語。茲謹遵照辦理。惟於縣黨部歷程。依照來稿登錄。爲政黨沿革。又因黨治係中國創舉大事。按時代性。列諸大事記篇。

一 此次修志。適際國體改革。百度維新。所有創舉。均須詳載。至於各新政。各機關。創始之人名時期。經各採訪考徵詳實者。一律照載。間有搜羅不得。或有疑點者。則從權寧闕毋誤。以昭實在。

一 茲志興修。值縣城迭陷之後。縣政府暨各機關。文卷無遺。採訪再四。終鮮事跡完全之來稿。於四境志材。則阨於霖雨連月。烽煙遍地。各訪員冒險蒐羅。聞見難期周詳。敝館以百年曠典。不合潦草塞責。曾經佈告全境。標明志材門類。徵求個人投稿。來件終屬寥寥。敝同仁於採訪未及。而其人其事。爲所素悉。確有可錄者。必

重修正陽縣志

卷首 凡例

五

北平大成印書社印

隨時補載。盡乃天職。今書已告成。倘仍有遺誤。尙望曲爲鑒原。

一 茲志遵功令。由縣長主辦監修。中因波折斷續。縣長及職員。均迭經更動。以故修志記名。歷任縣長職員。凡與茲志有關者。一同記載。不昧賢勞。

一 茲志資料。固出自本屆採訪。其民國四年。十一。十三。十八。各年訪稿。間餘殘篇。暨阮君述岑所編列女一冊。經袁君宗宣搜存。此次一並採編。是前屆同人。均著賢勞。姓名一並附載。

一 茲志全書十卷。志之本體記事。八卷。另設首卷。載序例。目錄。修志姓名。縣區各圖。末卷。設雜綴一門。載軼事。異聞。暨歷屆舊志序。昭回顧原始之意。以見不忘所自。一 書籍印刷。每患魚魯肆魔。茲志用鉛字排印。自發稿至上機。極少須核三次。主校雖有專任。千慮不無一失。茲於印後。復加詳校。刊表正誤。猶不敢自信無訛。

重修正陽縣志職員姓名

監修

正陽縣 縣長 劉月泉 聘組創辦

正陽縣 縣長 馬鴻德 維護進行

正陽縣 縣長 周密 加聘續辦

正陽縣 縣長 胡名珍 監修年餘

正陽縣 縣長 劉炎光 維持籌印

總纂

河南省政廳第一科科員 豫南師範學校畢業拔貢魏松聲 任事早逝

臨時參議院參議員 日本早稻田大學政治科畢業庠生陳全三 手纂成書

館長

浙江景寧縣第一科科員 兼第三科科員 庠生涂幹濟

重修正陽縣志

卷首 職名

一

北平大成印書社印

編纂

正陽縣 普照高級小學校長 廩生呂兆璜

河南通志館採訪主任 河南高等學堂畢業廩生鄆鵬雲

河南督軍署書記官 庠生吳彬詒

河南正陽縣立第三師範學校局長 業長潘守謙

河南正陽縣第五旅會參事 官增生胡國昌 任事早逝

南京市政府土地局第三科測量員 武昌中華大學預科畢業 蕭廷藩 繼任

文書主任

正陽縣 通俗教育講演所 員 廩生鮑桂馨 中途逝世

河南南通志館監印 河南中學畢業董翰元 繼任

協纂

正陽縣 縣黨部執行委員 武昌中華大學畢業 陳則舜

正陽縣財務委員會委員長 縣立師範學校畢業 業鮑佩薰

校正

審計院核算官 北京優級師範畢業 業趙憲章

庶務

正陽縣城廂議事會議員 佾生袁丕式

採訪

正陽縣女子高級小學學校校長 生余德明

正陽縣農務會議員 生阮光輝

正陽縣城廂議事會議員 生劉芸芝

正陽縣文廟奉祀官 師範學校畢業 業史書勳

山東陸軍第五旅軍法官 師範學校畢業 業雷德尊

河南省立第六中學校畢業 業黎德懋

重修正陽縣志

卷首 職名

二

北平大成印書社印

河南省立第六中學校畢業 業陳紹舜

正陽縣參事會參事員 清廩生鮑桂馨

庠生陳燦然

庠生劉子仁

庠生胡克庸

正陽縣勸學所長 汝南師範學校畢業 業王懋德

正陽縣議事會議員 清庠生馮樹霖

正陽縣參事會參事員 清庠生王芝蘭

處士溫少垣

河南汝陽道立單級師範學校畢業 業李國華

書記

開封自治訓練班畢業 業蕭維華

正陽縣高等小學畢業 生陳榮章
 正陽縣高等小學畢業 生涂愷祥
 正陽縣高等小學畢業 生鄆鴻愷
 北平弘達中學畢業 生劉國銓
 正陽縣普照高等小學畢業 生劉德清
 處 士涂登厚

附錄前四屆修志未就各職員姓名

民國四年 丁知事景炎籌備修志聘任
 探訪四名丁去職後停辦

探訪

正陽縣 參事 會 參知 事 縣員 歲 貢 生楊啟鴻

候選 府 經 歷 恩 貢 葉培元
 生涂從貴

重修正陽縣志

卷首 職名

三

北平大成印書社印

廩

生卓象賢

局長

民國十一年 袁紳家驥倡議修志設局
 組織職員未齊城陷停廢

正陽縣 參事 會 參知 事 縣員 歲 貢 生楊啟鴻

編纂

河南督軍署書記官 庠 生吳彬詒

正陽縣議事會議員 增 生郭連益

探訪

正陽縣城廂議事會議員 佾 生袁丕式

正陽縣城農務會議會長 庠 生阮光輝

正陽縣城圖書館會議員 庠 生劉芸芝

庠 生王遠大